

Մ. Մազմանյան

ԱԼԵՔՍԱՆԴՐ ԹԱՄԱՆՅԱՆԸ՝ ՔԱՂԱՔԱՇԻՆԱՐԱՐ

Ժողովրդական ճարտարապետ Ալեքսանդր Թամանյանը Հայաստանի սովետական ճարտարապետության հիմնադիրն է։ Նրանից է սկսվում հայ նորագույն ճարտարապետությունը, նրա ստեղծագործություններն են լրացնում այդ ճարտարապետության պատմության առաջին էջերը։ Նա հարստացրել է հայ ճարտարապետության գանձարանը նորանոր գոհարներով։

Թամանյանը զգալի հետք է թողել նաև մինչհոկտեմբերյան Ռուսաստանի ճարտարապետության պատմության մեջ։

Դժվարին գործ է ներկայումս տալ մեծ արվեստագետի լիակատար նկարագիրը. անհրաժեշտ է որոշ հեռավորություն՝ ընդգրկելու համար այն վիթխարի գործը, որ կատարել է նա իր փայլուն կյանքի ընթացքում։

Թամանյանը խոշոր դիապազոնի, էպիքական ստեղծագործ ուժի տեր ճարտարապետ էր, ուներ որոնող միտք, մեծ պրոբլեմներ լուծելու կարողություն։ Թամանյանը ճարտարապետության բոլոր բնագավառներում տվեց խոշոր, անկրկնելի երկեր — և քաղաքաշինարարության, և բնակելի ու հասարակական շենքերի, և արդյունաբերական շինարարության մեջ։

Ծա ուզում եմ համառոտակի կանգ առնել Թամանյանի գործունեության վրա որպես քաղաքաշինարարի, և պարզել նրա դերը մեր շինարարության ճիշտ սկզբնավորման գործում։

Թամանյանի ստեղծագործության մեջ քաղաքաշինարարությունն ունի իր ուրույն տեղը։ Երբ նա առաջին անգամ տեղափոխվեց Հայաստան՝ ձեռնամուխ եղավ ամբողջ քաղաքների և ավանների հատակագծման աշխատանքներին, այսինքն՝ իր գործունեությունը սկսեց իբրև ֆաղաֆաշինարար։

Եվ սա պատահական երևույթ չէր։

Մինչև այդ Թամանյանն ուներ զգալի փորձ և հմտություն այդ բնագավառում, որ ձեռք էր բերել մինչհոկտեմբերյան Ռուսաստանում, որտեղ և ստացել էր իր մասնագիտական կրթությունը՝ սնվելով ռուս դասական ճարտարապետության ավանդներով։ Պետերբուրգի դասական անսամբլներով, հոյակապ հրապարակներով ու պողոտաներով դաստիարակել էր Թամանյանի ճաշակը և զարգացրել նրա մեջ քաղաքաշինարարական մոտեցում դեպի ճարտարապետական խնդիրները։

Առաջին խոշոր աշխատանքը, որտեղ լիովին դրսևորվում է Թամանյանի տաղանդը որպես քաղաքաշինարարի՝ դա իշխան Նչերբատովի տունն է Մոսկվայում՝ Նովինսկի բուլվարի վրա (այժմ Չայկովսկու փողոց)։ Այստեղ Թամանյանը կարողանում է սովորական բնակելի տան ճարտարապետության տալ քաղաքաշինարարական իմաստ։ Հողի մասնավոր սեփականության պայմաններում, շենքին հատկացված նեղ հողամասի վրա, սահմանափակ և հարեվանների միջև սեղմված կառուցվածքը ստանում է հստակ քաղաքաշինարարական հիմունքներ։ Շենքի դրվածքը փողոցի նկատմամբ «H» տառի գծագրու-

թյամբ՝ հնարավորություն է տալիս դեպի հողամասի ներսն աճող բարձրություն ստեղծել բնակելի կորպուսներից՝ լավագույն լուսավորություն տալու համար բնակարաններին: Իր ժամանակի եկամտավոր շենքերին հատուկ փակ բակեր-ջրհորներից ազատվելու համար՝ ճարտարապետը Շչերբատովի շենքին հատկացնում է երկու լուսավոր բակ — մեկը տնտեսական կարիքների համար, որն ընկնում է հողամասի խորքում, իսկ մյուսը՝ հանդիսավոր բակը — պարտեզով ու շատրվանով զարդարված՝ դիմադարձ է լինում դեպի լայնարձակ բուլվարը: Այս եզակի գործում Թամանյանը խոշոր բնակելի շենքի ճարտարապետությանը մոտենում է որպես քաղաքաշինարար:

Շչերբատովի տունը հանդիսացավ XX դարու սկզբի ռուսական ճարտարապետության լավագույն նմուշներից մեկը և իր արժանի տեղը գրավեց ռուս առաջավոր վարպետների՝ Շչուսևի, Ժուտովսկու, Ֆոմինի և Շչուկոյի գործերի կողքին: Ռուս ճարտարապետության այդ փայլուն սերնդին էր պատկանում և ինքը Թամանյանը:

Թամանյանի այդ շենքն արժանացավ մրցանակի՝ 1914 թ. Մոսկվայում լավագույն շենքերի համար հայտարարված կոնկուրսում: Այդ շենքի համար երեսունվեց տարեկան Թամանյանին Գեղարվեստների Ակադեմիան ընտրեց ճարտարապետության ակադեմիկոս:

Շչերբատովի տնից հետո, նույն 1913 թ., Թամանյանը ձեռնարկեց մի ուրիշ հատակագծային աշխատանքի: Դա Յուգադրական շուկայի նախագիծն էր, որ իրականացվեց ռուսական հնագույն Յարոսլավլ քաղաքում: Այս ամբողջ կոմպլեքսը Թամանյանը նախագծեց և կառուցեց հին ռուսական տոնավաճառներին հատուկ առևտրական հրապարակի տեսքով:

Թամանյանը, որ մինչ այդ հայտնի էր որսկես ռուսական դասական ճարտարապետության քաջածանոթ մի արվեստագետ, այդ գործում իրեն ցուցաբերեց իբրև ռուսական ժողովրդական ճարտարապետության հմուտ ճանաչող:

Ջարմանալի վարպետությամբ Թամանյանը կարողացավ վերստեղծել ռուսական ժողովրդական արվեստի հեքիաթային և գունագեղ ձևերով կառուցվածքներ, որոնք, համախմբված մի հրապարակի շուրջ, կազմում էին հրճվալից և զվարթ ամբողջական մի անսամբլ:

Թամանյանը խորապես ըմբռնել էր ռուս ժողովրդական արվեստի հմայիչ կողմերը և ստեղծագործական վերամշակումով արտահայտել այն ժողովրդական ոգով տոգորված կերտվածքներում:

Թամանյանի հաջորդ քաղաքաշինարարական քայլը հիվանդանոցային խոշոր կոմպլեքսի հատակագծումն էր՝ Կրատովի կայարանի պուրակում Մոսկվա-Կադան երկաթուղու ծառայողների համար: Ամբողջ այս կոմպլեքսը տեղավորված է գեղատեսիլ և առողջապահիկ մի վայրում, երկու գետերի բաժանման հանգույցում: Այս շինարարությունն սկսվել էր 1913—14 թթ. ու ավարտվել 1923 թվականին:

Մի շարք շենքերից բաղկացած այս կոմպլեքսը Թամանյանը հղացել է մեծ թափով, իբրև ներդաշնակ մի անսամբլ, որպես օրգանական մի ամբողջություն, որտեղ բոլոր մասերը համաձայնեցված են իրար հետ: Ամեն մի շենք ստացել է յուրօրինակ ճարտարապետական լուծում և իր հատուկ տեղն է գտել շենքերի ընդհանուր համակարգության մեջ: Ճարտարապետական գուսպ ձևերով Թամանյանը հասնում է անսամբլային ճարտարապետության զորեղ ազդեցության:

Ողջ կոմպոզիցիայի գլխավոր առանցքն սկսվում է հենց հիվանդանոցային կոմպլեքսի մուտքից ու անցնում հողամասի կենտրոնով դեպի նրա խորքը: Ըստ այս առանցքի են դասավորված հիվանդանոցային կորպուսները և նրան լն ենթարկվում երկրորդական նշանակություն ունեցող կոմպոզիցիոն մյուս առանցքները:

Այսպիսով, իր գործունեության առաջին իսկ քայլերից Թամանյանը ունեցել է քաղաքաշինարարական մոտեցում՝ առաջադրված ճարտարապետական խնդիրները լուծելիս:

Ինչքան էլ խոշոր լինեի Թամանյանի ստեղծագործական կորովն ու եռանդը, այնուամենայնիվ, կապիտալիստական հասարակարգի անձուկ պայմաններն իրենց շինարարական անարխիայով չէին կարող նպաստավոր հող ստեղծել նրա տաղանդի զարգացման համար՝ իբրև քաղաքաշինարարի:

Միայն մեր օրերում, Մեծ Հոկտեմբերից հետո, երբ Թամանյանը որպես կազմակերպված ու շինարարական մեծ փորձ ունեցող ճարտարապետ վերադառնում է Հայաստան, նա կերտում է իր խոշորագույն երկերը, մշակում է խոշոր քաղաքաշինարարական պրոբլեմներ, որոնք նույնիսկ չէին կարող առաջանալ ցարական Ռուսաստանի պայմաններում:

Թամանյանը առաջին անգամ Հայաստանում ձեռնարկեց ամբողջ քաղաքների և ավանների հատակագծման աշխատանքներին: Նա հասկանում էր, որ շինարարությունը պետք է կատարել միասնական պլանով, և մեկը մյուսի հետևից Թամանյանը կազմում էր մի շարք շրջանային քաղաքների հատակագծեր, ինչպես, օրինակ, Վաղարշապատի, Աշտարակի, Նոր Բայազետի, Լուկաշենի, Ախտայի և ուրիշների:

Սակայն Թամանյանի քաղաքաշինարարական ամենախոշոր գործն եղավ Հայաստանի մայրաքաղաք Երևանի հատակագիծը, որի վրա նա աշխատել է 1923 թվականից սկսած մինչև իր կյանքի վերջին օրերը՝ անընդհատ հղկելով այն, համաձայն մեր հարաճուն կյանքի առաջադրած պահանջների:

Հայաստանում է, որ ծաղկում են Թամանյանի կարողությունները, որպես քաղաքաշինարարի: Իսկական ճարտարապետի իր բնագավառում՝ Թամանյանը հասկացավ, որ նոր հասարակարգի ճարտարապետությունը պետք է սկսվի քաղաքաշինարարությունից: Սոցիալիստական պլանայնությունը՝ դա հիմքն է մեր նոր հասարակարգի և նրա շինարարության՝ ի հակակշիռ նախկին դասակարգային ճարտարապետության մեջ իշխող շինարարական անարխիային և պատահականությանը:

Ամեն մի հասարակարգ ստեղծում է իր քաղաքը համաձայն իր պատկերի և իր նմանության: Մի հասարակական ֆորմացիայի պայմաններում ստեղծված քաղաքը տարբերվում է մի ուրիշ ֆորմացիայում ստեղծված քաղաքից իր բովանդակությամբ և ձևով:

Սակայն կա հաջորդակցություն (преемственность) նաև այս ասպարեզում: Մի քաղաք, ծնված հասարակական այլ պայմաններում, ժառանգություն է մնում մյուսին՝ նոր հասարակարգին, որն իր կենցաղն սկսում է կազմակերպել հին քաղաքի ձևերում, որոնք տակավին չեն համապատասխանում նորի բովանդակությանը: Այս դեպքում նա քանդում է հին ձևերը և այդ հնի քննադատական վերամշակմամբ ստեղծում է նոր ձևեր՝ համաձայն իր պահանջների:



Նկ. 1. Հին Երևանի հատակագիծը

Անցյալի դասակարգային հասարակությունների քաղաքներին, շնայած իրենց տարբեր ձևերին, հատուկ են որոշ գծեր՝ իրար հակոտնյա կողմեր. օրինակ՝ կենտրոն և ծայրամասեր, պալատներ և նկուղներ, շքեղություն և աղքատություն, այսինքն՝ քաղաքներ են, որոնք կառուցված են որոշ դասակարգերի համար:

Սոցիալիստական քաղաքն ունի բոլորովին այլ բովանդակություն՝ տրամագծորեն հակառակ նախկին քաղաքներին. դա նրա համաժողովրդական բնույթն է, քաղաք՝ ամբողջ հասարակության համար: Այս հանգամանքն իր խոր կնիքն է դնում սոցիալիստական քաղաքի հատակագծման ողջ սխտեմի վրա:

Ճարտարապետությունը որպես տարածական արվեստ, որ կոչված է կազմակերպելու նյութական, իրական ձևերի մեջ մեր արտադրությունը, կենցաղը, հանգիստը, առավել շոշափելի արտահայտվում է քաղաքաշինարարության մեջ: Փողոցները, հրապարակները, բնակելի թաղամասերը, բակերը, պարտեզ-

ները շրջապատում են մարդուն, կազմակերպում են նրա կենցաղը և աղդում նրա հոգեբանության վրա:

Այստեղից էլ քաղաքաշինարար-ճարտարապետի խոշոր դերը մեր հասարակարգում, որտեղ կյանքի են կոչվում ոչ թե առանձին անհատների ու շերտերի համար կառուցվող շենքեր, այլ ամբողջ հասարակության կարիքները բավարարող մասսայական նշանակություն ունեցող վիթխարի շինարարություն:

Ահա քաղաքաշինարարության այս կարևոր դերն անտեսվել է շատերի կողմից անցյալում և անտեսվում է մեր օրերում՝ ոմանց կողմից:

Թամանյանը հենց սկզբից լավ ըմբռնեց իր առջև ծառացած խնդիրները լրջությամբ և իր պատմական դերը. նա հասկացավ, թե ի՞նչ են պահանջելու իրենից փալիք սերունդները և հնարավորի սահմաններում ճիշտ դրեց մեր քաղաքաշինարարության հիմքերը: Եւ այն ժամանակն էր, երբ դեռ նոր էին կազմվում Մոսկվայի և Լենինգրադի հատակագծերը, և մեր Միության ոչ մի քաղաք դեռ չուներ իր նախագիծը:

Ի՞նչ ստացավ նա ժառանգություն ավերակ մեր երկրում, ուր եկել էր նա ինքնակամ՝ ի սպաս դնելու արվեստագետի իր փայլուն ձիրքը, գիտելիքների հոյակապ պաշարը:

Երևանը, Անդրկովկասի մյուս քաղաքների նման չուներ բնակարանային հարուստ ֆոնդ, հասարակական շենքեր, բարեկարգված փողոցներ: Երևանը իբրև գավառական հետամնաց մի քաղաք 30—35 հազարանոց ազգաբնակչությամբ, կառուցված առավելապես մեկ-հարկանի հողաշեն տներով, նեղ փողոցներով, ծուռ ու մուռ փակուղիներով և հակասանիտարական իր թաղամասերով ու բակերով՝ տաղտկություն ու հորանջ էր առաջացնում ապրողների ու եկվորների մեջ:

Թամանյանը նախ և յուրաքանչյուր ուսումնասիրեց քաղաքի տեղադրությունը, ունեցող, կլիմայական պայմանները, տիրապետող քամիների ուժն ու ուղղությունը, գոյություն ունեցող փողոցներն ու տները, որ տակավին կարելի էր պահել նոր հատակագծի մեջ, և ապա կազմեց իր նոր Երևանի հատակագիծը:

Քաջ ծանոթ լինելով համաշխարհային քաղաքաշինարարության փորձին, նա մեխանիկորեն չի վերցրել այս կամ այն հատակագծման ձևը և կիրառել, այլ, ելնելով միջավայրի կոնկրետ պայմաններից, նրա խորագնին ուսումնասիրությունից՝ ստեղծել է նոր Երևանի ուրույն նախագիծը՝ ձևված ու պատրաստված տեղի կաղապարի վրա: Այս իմաստով Թամանյանը հանդես բերեց իրեն որպես ռեալիստ ճարտարապետ:

Թամանյանի այդ առաջին հղացումը, որ հաստատվեց Հայաստանի կառավարության կողմից 1924 թ., հետզհետե կատարելագործվեց հեղինակի կողմից, մեր քաղաքի զարգացման հետ զուգընթաց, մինչև վարպետի կյանքի վերջին օրերը:

Նախագիծը կոմպլեքսային լուծում է հանդիսանում մի շարք բազմազան ու դժվարին խնդիրների, արմատական վերակառուցումն գոյություն ունեցող քաղաքի՝ իր խիտ կառուցապատումով, իրար կպած շենքերով, պտղատու ագիներով: Այս հանգամանքը որոշ չափով կաշկանդում էր նախագծումը և բարդություններ ստեղծում քաղաքի վերակառուցման համար:

Թամանյանն իր նախագծում պահպանեց գոյություն ունեցող մի շարք փողոցներ — Աբովյան, Նալբանդյան և ուրիշներ, որոնք ճիշտ դիրքավորում ունեին արևահայեցողության տեսակետից: Եվ հին, փոշեթաթավ տնակների ու



Նկ. 2. Նոր Երևանի հատակագիծը 1924—32 թթ.

նեղիկ, ծուռումուռ փողոցների վրա իր զորեղ ձևով գծեց ու ձևեց նոր Երեւանի պայծառ դեմքը:

Ելնելով քաղաքի ռելեֆից ու տիրապետող քամիների ուղղությունից՝ Թամանյանը ճիշտ տեղադրեց քաղաքի սահմաններում բնակարանային մասը արդյունաբերականի նկատմամբ: Նշեց քաղաքի հետագա զարգացման հնարավոր ուղղությունը — դեպի հյուսիս՝ Քանաքեռի հարթավայրը բնակարանային շինարարության համար, և դեպի հարավ՝ Արարատյան դաշտը՝ արդյունաբերական շինարարության համար:

Քաղաքի հատակագծման մեջ Թամանյանը լուծել է և շինարարական, և կենցաղային, և տրանսպորտի, և էսթետիկական խնդիրները, լուծել է կոմպլեքսային ձևով, միաժամանակ՝ առանց առաջնություն տալու զրանցից որևէ մեկին: Բոլորն էլ հավասարաշափ անհրաժեշտ են լիակատար քաղաքի նորմալ զործունեության համար:



Նկ. 3. Նոր Երևանի կենտրոնը

Նյնելով քաղաքի ռելեֆից՝ նա վարպետորեն օգտագործում է այն՝ ներգծելով շրջակա բլուրների ամֆիթատրոնի սահմաններում քաղաքի ընդհանուր պարագիծը, տեսարաններ բանալով դեպի Արարատյան դաշտը՝ հեռանկար ունենալով վեհանիստ Մասիսը: Ռելեֆի հոյակապ օգտագործման մի այլ օրինակ պետք է համարել թանգարանային թաղամասը Կոնդի բլրի վրա, որպես բնական մի վիթխարի պատվանդանի վրա խոյաճող կառուցումների մի հսկա կոմպլեքս:

Հատակագծի շրջանաձև կոմպոզիցիան, որ արդյունք է ռելեֆի ճիշտ հաշվառման, միաժամանակ նպատակ ունի քաղաքի զանազան մասերն իրար կապել լայն բուլվարով: Քաղաքի կենտրոնը կազմում է այն տերիտորիան, որն իր մեջ ունենալով Լենինի անվան հրապարակը՝ համախմբում է բոլոր միևնույնությունները, Երևանի Գործկոմը, Մինիստրների Սովետը, Կուլտուրայի տունը: Սա ազմինիստրատիվ կենտրոնն է:

Հարավարևելյան ուղղությամբ հատկացված հողամասի վրա է գտնվում սուևտրական լաժինը, կենտրոն ունենալով շուկան, որի շուրջը համախմբվում են կոոպերատիվները, ունիվերսալ խանութները, ծածկված շուկան, պահեստները, ավելի հարավ, երկաթգծի ուղղությամբ, դասավորվում են պետական ապրանքային պահեստները, սառցարանները և հացի գործարանը:

Քաղաքի հյուսիսարևելյան բարձրագիծը և առողջապահիկ մասում, հիսուն հեկտար մակերեսի վրա, տեղ է հատկացված բարձրագույն ուսումնական հաստատությունների արվարձանին: Քաղաքի կենտրոնից ոչ-հեռու, դեպի հյուսիս, 350 մ. հեռավորության վրա, նախագծվում է կուլտուրական և գեղարվեստական հաստատությունների շրջանը — Պետական թատրոնը, Թատերական ար-



Նկ. 4. Համալսարանական թաղամասի հատակագիծը


վեստի ինստիտուտը, Գեղարվեստական դպրոցը, Կոնսերվատորիան, որոնք համախմբվում են թատերական հրապարակի պարտեզի շուրջը:

Քաղաքի հյուսիսարևելյան մասում, լարձրագիր տափարակի վրա, տեղավորվում է հանրապետական ստադիոնը: Մյուս ստադիոնը տեղ է գտնում քաղաքի հարավարևելյան մասում, գլխավոր պողոտայի վերջում՝ արգյունաբերական շրջանի մոտ:

Այս բոլորը արբանյակների նման շրջապատում են քաղաքի կենտրոնը և բնակելի թաղամասերը՝ վերացնելով կենտրոնի և ծայրամասերի հսկադրությունը:

Նախատեսվում են երեք տիպի փողոցներ. մայրուղիներ, պողոտաներ, տարանջատար, տրանզիտ և բիկուկուլյան համար, բնակելի շրջանների փողոցներ, որոնցով արգելվում են մեծ շարժումներ, և կանաչապատ փողոցներ: Ատիտան շարժումների համար: Կանաչի գլխավոր զանգվածները կենտրոնացված են բուլվարների վրա, որ օղակաձև զրկում են քաղաքի կենտրոնական մասը: Այս օղակաձև բուլվարները երկու կողմից մոտենալով Կոմունարների այգուն՝ միաժամանակ սպասարկում են և կենտրոնը, և ծայրամասերը:

Զանգվի զեղատեսիլ ձորում, որձաքար ժայռերի ֆոնի վրա, գծադրվում է Կուլտուրայի և հանգստի պարկը: Իսկ քաղաքի հյուսիսային մասում, ընդարձակ տարածության վրա, նախատեսվում է հանգստի պուրակ, որը ընդգրկում



Նկ. 5. Գեղարվեստի հաստատությունների շրջան

է քաղաքը շրջապատող բլուրների լանջերը: Այս պուրակը կասկադով և աստիճանաձև բուլվարներով միանում է Գեղարվեստից արվարձանի հետ:

Քաղաքի օդին խոնավություն հաղորդելու և տոթը մեղմացնելու համար նախատեսված է ավազաններ, շատրվաններ կառուցել՝ հավասարապես բաշխելով այն քաղաքի ողջ տերիտորիայի վրա:

Ահա քաղաքի բովանդակությունը:

Այսպիսով, Թամանյանը քաղաքի բովանդակությունը որոշելիս՝ ֆունկցիոնալ դասավորեց ժողովրդի կենցաղի զանազան հարմարությունները, ըստ

իրենց պատշաճ տեղի, դիրքավորման, համախմբելով ըստ տեսակների, հանդես բերեց անսամբլային մոտեցում ու տվեց անսամբլային շինարարության փայլուն նմուշներ:

Անսամբլը ճարտարապետական ներդաշնակության, հարմոնիայի գերադույն աստիճանն է, որը կարելի է իրականացնել փողոցի, հրապարակի, բնակելի թաղամասի ամբողջական լուծումով: Բարեկազմ կոմպոզիցիոն մի սխեմեմ է այն, որտեղ օրինաչափ և հետևողականորեն դարգանում է միասնական ճարտարապետական մի գաղափար:

Երևան քաղաքի անսամբլի հիմնական գաղափարները նախատեսված են Թամանյանի կողմից քաղաքի հատակագծի մեջ՝ վերջինիս գոյացման առաջին իսկ օրից: Դրանք են՝ ա) Հենինի հրապարակը, բ) Թատրոնական հրապարակը, գ) Համալսարանի թաղամասը, դ) Թանգարանային կոմպլեքսը և այլն:

Հենինի հրապարակի ճարտարապետական ղեղարվեստական վերլուծությունը ցույց է տալիս, որ մենք գործ ունենք դասական արվեստի սկզբունքներով նախագծված մի անսամբլի հետ: Հրապարակի ձևը, նրա կողմերի հարարերությունը, շենքերի բարձրությունը և նրանց հարարերությունը հրապարակի մակերեսի նկատմամբ՝ այդ հրապարակը դարձնում են մեր Միության լավագույն հրապարակներից մեկը:

Նույնը կարելի է ասել Համալսարանի թաղամասի անսամբլի մասին: Ղուկաս Ղուկասյանի անվան պուրակով, կենտրոնում ունենալով Աստղադիտարանի շենքը, շրջապատված ուսումնական հաստատություններով և ընդհանուր այս կոմպլեքսի դիմադարձով ղեկի Արովյան փողոցը:


Նշելով քաղաքի հատակագծման հիմնական հանգույցները՝ Թամանյանը ձևով միաժամանակ առանցքային նշանակություն ունեցող կառուցումների նախագծման — Ժողտան (Օպերայի և բալետի շենքը), Կառավարական տան, ուսումնական հաստատությունների՝ Ֆիքսացիայի ենթարկելով իրականում քաղաքի հատակագծի կարևոր օղակները:

Այս շենքերի ճարտարապետական լուծումները ելնում են անսամբլային գաղափարներից և իրենց հերթին ազդում են նրանց վրա: Փոխադարձ այս ազդեցության հետևանքով Թամանյանը զարգացրեց նախկին Հոգեփորձարարական կենտրոնի շենքը, որն իր բարձրությամբ աններդաշնակ էր լայն հրապարակի նկատմամբ, ու դարձրեց եռահարկ Կառավարական տուն իր աշտարակներով և վերին հարկի սյունաշարերով: Թամանյանի քաղաքաշինարարական մոտեցման հետևանքով ստեղծվեց հրապարակը ձևավորող առաջին հասարակական շենքի կերպարը, որը ելակետ հանդիսացավ հրապարակի մյուս շենքերի ճարտարապետական մշակման համար:


Ըր նախագծած բոլոր շենքերը Թամանյանը դիտում էր որպես քաղաքի կոմպլեքսի օրգանական մի մասը՝ կապելով այն քաղաքի ճարտարապետական ընդհանուր գաղափարի հետ: Այսպիսով, միահյուսվում են իրար շենքերն ու քաղաքաշինարարական խնդիրները և փոխադարձաբար լրացնում իրար:

Երևան քաղաքի նախագիծը օրգանական ամբողջական մի լուծում է մեկ շնչով արված: Նա ներկայանում է մեզ որպես ամբողջական ճարտարապետական մի հորինվածք՝ էպիքական ուժի ու թափի: Նա եղավ նոր խոսք Հայաստանի ճարտարապետության պատմության մեջ:

Հայ ճարտարապետության պատմության մեջ Ալեքսանդր Թամանյանին, իր ունեցած դերով ու նշանակությամբ, կարելի է համեմատել Տրդատ ճար-




Նկ. 6. Կառավարական տունը Լենինի հրապարակի վրա. 1926 - 1941 թթ.



Նկ. 7. Սովետաշեն ավանի բնակավայրի հատակագիծը

տարապետի հետ X—XI դարերի ճարտարապետության ծաղկման հիմնադիրը հանդիսացավ Տրդատը, որը միաժամանակ Անի քաղաքի շինարարության ղեկավարն էր։ Մի շարք աղբյուրների հիշատակություններից, ինչպես և այդ շրջանի հուշարձանների պատմական-ճարտարապետական վերլուծությունից կարելի է կոհել, որ բազմաթիվ կոթողներ, որոնք կանգնեցված են այդ ժամանակաշրջանում, աներկրա կրում են Տրդատի արվեստի կնիքը և նրա հետևիկներից են կառուցված, այնպես որ կարող են իրավամբ Տրդատի ճարտարապետական դպրոցի գոյությունը հաստատել։ Խնդիրների լուծման քաղաքաշինարարական մոտեցումը — կառուցվածքների տեղադրումը քաղաքի տերիտորիայի վրա ըստ իրենց նշանակության, սարիսպների, քաղաքի ղիսավոր հրապարակի և փողոցների դասավորությունը և փոխադարձ կապը միջնաբերդի ու կամուրջների հետ՝ ցույց են տալիս մի հզոր ձեռքի ղեկավարություն, որ եղել է Տրդատ ճարտարապետի ձեռքը։



Նկ. 8. Լուկաշեն գյուղատնտեսական մանկական ավան. 1926 թ.

Այդ է պատճառը, որ Անի քաղաքն իր կոմպոզիցիոն միասնությամբ ու քաղաքի կենտրոնի անսամբլային լուծումով հիացմունք է պատճառել ժամանակակիցներին և շարունակում է պատճառել ներկայումս ավերակ վիճակում հս՝ շնայած նրանց կառուցման օրից հազարից ավելի տարիներ են անցել:

Միևնույն ժամանակ ավերակ վիճակում է մեր օրերի համար Ալեքսանդր Թամանյանին:

Խոշոր է և անգնահատելի Թամանյանի նշանակությունը հայ ճարտարապետության համար: Թամանյանի գործունեության այս կողմը առանձին արժեք է ստանում ու դառնում է ուսանելի մեղ համար առավելապես հիմա, երբ Գոմունիստական պարտիան և Սովետական կառավարությունը դրել են մասսայական շինարարության ինդիկները խոշոր ծավալով, երբ անհրաժեշտ է դառնում հոգալ ոչ թե հատ-հատ շենքերի կառուցման հարցերը, այլ ամբողջ-

ջան, խոշոր բնակելի թաղամասերի կոմպլեքսային շինարարության խրնդիրները շինարարության ինդուստրացման պայմաններում, այսինքն, երբ ղրվում են քաղաքաշինարարական խոշոր պրոբլեմներ:

Թամանյանի թողած քաղաքաշինարարական հարուստ ժառանգությունը խոշոր նպաստ է մեր օրերի ճարտարապետների համար՝ սոցիալիստական ունալիզմի հիմունքներով, բնության և պայմանների ճշգրիտ հաշվառումով, իրականություն դարձնել 6-րդ հնգամյա պլանով նախատեսված վիթխարի շինարարությունը: Թամանյանի փորձի նոր օրինակով ապացուցվում է, որ մեր օրերի ճարտարապետը պետք է լինի նախ և առաջ քաղաքաշինարար:

Թամանյանից մենք շատ բան սովորեցինք և դեռ շատ բան ունենք սովորելու: Այդ պատճառով նրանից ավանդ մնացած քաղաքաշինարարական ժառանգության քննադատական ուսումնասիրությունը մեր ճարտարապետության հրատապ խնդիրներից մեկն է հանդիսանալու:

Այս համառոտ տկնարկն Ալեքսանդր Թամանյանի մասին որպես քաղաքաշինարարի, ևս ուզում եմ ավարտել մեր մեծ բանաստեղծ Նիկիշ Չարենցի խոսքերով՝ նվիրված մեծ ճարտարապետի կյանքի վերջին ականթարթին.

...Նրա կուպերը երեկ երբ քարացել են խաղաղ —
կապույտ բոցով բռնկված վերջին ջերմում ուղեղի,
Նա տեսել է երևի արևային մի քաղաք...
Ինչպես մաքուր մարմարի կապույտ կողին նկարած
Արևային ժամացույց՝ քարտեզն ահա քաղաքի, —
Պողոտաներ, փողոցներ՝ բոլորածիզ երկարած,
Իսկ կենտրոնում երկնահաս, դրանիտյա մի բազին:

Չարենցն այստեղ վարմանալի սրատեսությամբ նշմարում է Թամանյանի ստեղծագործության ուրույն բնույթը — քաղաքի և լագինի միասնությունը, այսինքն՝ Թամանյանի ստեղծագործության քաղաքաշինարարական էությունը:

Եվ, իսկապես, Թամանյանի ստեղծագործական թագի մեջ նրա քաղաքաշինարարական գործունեությունը, հատկապես նրան քաղաքի հատակագիծը հանդիսանում է անգին քարերից մեկը, որ ինչպես շողշողուն մի աստղ լուսավորում է և հավիտյան պիտի լուսավորի մեծ արվեստագետի հանճարեղ ճակատը: